



Broj: UP-I-KSI-09-09/22
Datum: 21.10.2022. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane L. Lj. na 34 sjednici održanoj dana 21.10.2022. godine, donijela je sljedeće

RJEŠENJE

1. **UTVRĐUJE SE** da je L.Lj., član Vijeća nacionalnih manjina Brčko distrikta BiH, kao nosilac javne funkcije postupila protivno članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, na način što u roku od 30 dana od dana stupanja na javnu funkciju, Komisiji za odlučivanje o sukobu interesa nije podnijela izvještaj o imovinskom stanju nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, L. Lj. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, izriče opomena.

Образложење

Komisija je po službenoj dužnosti Zaključkom broj: UP-I-KSI-09-09/22 od 26.08.2022. godine, pokrenula postupak protiv L. Lj., nosioca javne funkcije, jer je uočila da postoji osnovana sumnja da ista nije dostavila Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupila protivno članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine (u daljem tekstu: Zakon), te imenovanu pozvala na izjašnjenje o datim navodima.

Uvidom u Odluku Skupštine Brčko distrikta BiH o imenovanju Vijeća nacionalnih manjina Brčko distrikta BiH broj: 01-02-1450/22 od 06.04.2022 godine, utvrđeno je da je L. Lj. imenovana za člana Vijeća nacionalnih manjina Brčko distrikta BiH. Odluka o imenovanju stupila je na snagu danom donošenja.

Uvidom u Aneks I - Obrazac o javnoj funkciji i nosiocu javne funkcije, utvrđeno je da je L. Lj. kao član Vijeća nacionalnih manjina Brčko distrikta BiH stupila na javnu funkciju dana 06.04.2022. godine.

Provjerom službene evidencije, odnosno Registra javnih funkcija i nosilaca javnih funkcija, kao i Registra o imovinskom stanju, utvrđeno je da L.LJ do dana donošenja zaključka, odnosno 26.08.2022. godine nije podnijela Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, odnosno propustila je da u roku od 30 dana od dana stupanja na javnu funkciju podnese Komisiji Izvještaj o imovinskom stanju.

Nakon prijema Zaključka o pokretanju postupka broj: UP-I-KSI-09-09/22 od 26.08.2022. godine, zaprimljen 20.09.2022. godine, L. Lj., član Vijeća nacionalnih manjina Brčko distrikta BiH, kao nosilac javne funkcije je dana 21.09.2022. godine dostavila Komisiji Izjašnjenje u kojem navodi, između ostalog da nije imala saznanja da je potrebno da dostavi isti izvještaj. Od dana imenovanja nalazila se dva mjeseca na bolovanju, te tri sedmice na godišnjem odmoru, što je također pridonijelo neinformisanosti o obavezi podnošenja Izvještaja.,

Uz to izjašnjenje L.Lj. je dostavila i ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, te je postupila shodno Zaključku Komisije i otklonila razloge i okolnosti koji su je doveli do kršenja odredaba Zakona.

Član 19. stav (1) Zakona, propisuje da je nosilac javne funkcije dužan u roku od 30 dana od dana stupanja na javnu funkciju podnijeti Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, a prema stanju na dan kada je izabran, odnosno imenovan.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno članu 19. navedenog Zakona.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je L. Lj., kao nosilac javne funkcije, propustila da u roku od 30 dana od dana stupanja na javnu funkciju člana Vijeća nacionalnih manjina Brčko distrikta BiH, podnese Komisiji ANEKS II-Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabrana, odnosno imenovana, čime je postupila protivno gore navedenim zakonskim odredbama.

Prilikom odlučivanja o vrsti sankcije, koju treba izreći, Komisija je shodno članu 43. Zakona, vodeći računa o težini i posljedicama povrede Zakona, te činjenici da je L. Lj., nosilac javne funkcije, odmah po prijemu Zaključka podnijela Izvještaj o imovinskom stanju, te se prema njenom postupanju i odgovornosti, ličnosti nosioca javne funkcije, odnosu imenovane prema kršenju odredaba Zakona kao i opredijeljenosti imenovane da postupi u skladu sa Zakonom, te otkloni razloge koji su doveli do kršenja odredaba Zakona kao i

prouzrokovanoj posljedici radi o očito lakom obliku kršenja odredaba Zakona, koje nisu nanijele štetu integritetu javne funkcije koju L. Lj. obavlja, pa je Komisija stava da izrečena opomena odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik
Komisije za odlučivanje o sukobu interesa

Admira Mujić, dipl.pravnik

Dostavljeno:

1. L. Lj.,
2. Internet stranici Komisije,
3. Evidenciji i
4. Arhivi.